

17 апреля 2020 года

Страстная седмица

ВЕЛИКАЯ ПЯТНИЦА

**Последование малого повечерия с каноном
о распятии Господни и на плач Пресвятѣя Богородицы
для домашнего (келейного) совершения**

Моли́твами святы́х оте́ц на́ших, Го́споди Иису́се Христэ́, Бо́же наш, помѝлуй нас. **Ами́нь.**

Сла́ва Тебе́, Бо́же наш, сла́ва Тебе́.

Царю́ Небе́сный, Уте́шителю, Ду́ше и́стины, И́же везде́ сый и вся исполня́яй, Сокро́вище благи́х и жи́зни Пода́телю, прииди́ и всели́ся в ны, и очисти ны от вся́кия скве́рны, и спаси́, Бла́же, ду́ши на́ша.

Святы́й Бо́же, Святы́й Кре́пкий, Святы́й Безсме́ртный, помѝлуй нас. **Трижды, и три поклона.**

Сла́ва Отцу́, и Сы́ну, и Свято́му Ду́ху, и ны́не и прѝсно, и во ве́ки веко́в. Ами́нь.

Пресвята́я Трѝице, помѝлуй нас: Го́споди, очисти грехи́ на́ша; Влады́ко, прости́ беззакѝния на́ша; Святы́й, посети́ и исцели́ немо́щи на́ша, имене Твоего́ ра́ди.

Го́споди, помѝлуй. Трижды.

Сла́ва, и ны́не:

О́тче наш, И́же еси́ на Небесе́х, да святѝтся и́мя Твое́, да приидет Ца́рствие Твое́, да бу́дет во́ля Твоя́, я́ко на Небеси́, и на землѝ. Хлеб наш насущный даждь нам днесь; и оста́ви нам до́лги на́ша, я́коже и мы оставля́ем должникѝм на́шим; и не введи́ нас во искуше́ние, но изба́ви нас от лука́ваго.

[Я́ко Твое́ есть Ца́рство и си́ла и сла́ва во ве́ки. Ами́нь. (Мф. 6: 9-13)]

Го́споди, помѝлуй, 12.

Сла́ва, и ны́не:

Приидѝте, поклонѝмся Царевѝ нашему́ Богу.

Приидѝте, поклонѝмся Христу́, Царевѝ нашему́, Бо́гу.

Приидѝте, поклонѝмся и припадѝм Самому́ Христу́, Царевѝ и Бо́гу нашему́.

Псалом 50

Помилуй мя, Бóже, по велицей мýлости Твоей, и по мнóжеству щедрóт Твоих очисти беззакóние моё. Наипáче омый мя от беззакóния моего, и от грехá моего очисти мя; я́ко беззакóние моё аз зная, и грех мой предо мною есть вýну. Тебё Единому согреших и лукавое пред Тобóю сотворих, я́ко да оправди́шия во словесех Твоих, и победиши внегда судити Ти. Се бо, в беззакóнных зачат есмь, и во гресех роди́ мя ма́ти моя. Се бо, и́стину возлюбил еси́; безвѣстная и та́йная премýдрости Твоея́ явил ми еси́. Окропи́ши мя иссо́пом, и очы́шуся; омы́еши мя, и па́че снѣга убелю́ся. Слу́ху моему́ да́си ра́дость и весѣлие; возра́дуются ко́сти смире́нныя. Отврати́ лице́ Твое́ от грех моих и вся беззакóния моя́ очисти. Сѣрдце чýсто сози́жди во мне, Бóже, и дух прав обнови́ во утробе моей. Не отвержи мене́ от лица́ Твоего́ и Дýха Твоего́ Свята́го не отыми́ от Мене́. Возда́ждь ми ра́дость спасѣния Твоего́ и Дýхом Влады́чним утверди́ мя. Научу́ беззакóнныя путѣм Твоим, и нечестивии к Тебё обратят́ся. Избáви мя от кровей, Бóже, Бóже спасѣния моего́; возра́дуется язык мой правде Твоей. Гóсподи, устне́ мой отверзеши, и уста́ моя́ возвестят хвалу́ Твою́. Я́ко а́ще бы восхотѣл еси́ жѣртвы, дал бых úбо: всесожжѣния не благоволи́ши. Жѣртва Бóгу дух сокруше́н; сѣрдце сокруше́нно и смире́нно Бог не уничижит. Ублажи́, Гóсподи, благоволе́нием Твоим Си́она, и да сози́ждутся стѣны Иерусали́мския. Тогда́ благоволи́ши жѣртву правды, возноше́ние и всесожега́емая; тогда́ возложат на олта́рь Твой тельцы́.

Псалом 69

Бóже, в по́мощь мою́ вонми́, Гóсподи, помощ́и ми потщис́я. Да посты́дятся и посра́мятся и́щущии дýшу мою́, да возвратят́ся вспять и посты́дятся хотя́щии ми злая́. Да возвратят́ся áбие стыдя́щеся глаго́лющии ми: блага́же, блага́же. Да возра́дуются и возвеселя́тся о Тебё вси и́щущии Тебё, Бóже, и да глаго́лют вýну, да возвели́чится Гóсподь, лю́бящии спасѣние Твое́: аз же нищ есмь и убóг, Бóже, помози́ ми: Помощник мой и Избáвитель мой еси́ Ты, Гóсподи, не зако́снй.

Псалом 142

Гóсподи, услы́ши моли́тву мою́, внуши́ моле́ние моё во и́стине Твоей, услы́ши мя в правде Твоей и не вни́ди в суд с рабо́м Твоим, я́ко не оправди́тся пред Тобóю всяк живы́й. Я́ко погна́ враг дýшу мою́, смири́л есть в зѣмлю живóт мой, посадил мя есть в тѣмных, я́ко мѣртвыя вѣка. И уны́ во мне дух мой, во мне смяте́ся сѣрдце моё. Помяну́х дни дрѣвния, поучи́хся во всех дѣлех Твоих, в творѣ́ниях руку́ Твоею́ поуча́хся. Возде́х к Тебё рýце мой, душа́ моя́, я́ко земля́ безводная Тебё. Ско́ро услы́ши мя, Гóсподи,

исчезе́ дух мой, не отврати́ лица́ Твоего́ от Мене́, и уподо́блюся низходя́щим в ров. Слы́шану сотвори́ мне за́втра ми́лость Твою́, я́ко на Тя упова́х. Скажи́ мне, Го́споди, путь во́ньже пойду́, я́ко к Тебе́ взях ду́шу мою́. Изми́ мя от враг мои́х, Го́споди, к Тебе́ прибего́х. Научи́ мя твори́ти во́лю Твою́, я́ко Ты еси́ Бог мой. Дух Твой Благый наста́вит мя на зе́млю пра́ву. Имене́ Твоего́ ра́ди, Го́споди, живи́ши мя, пра́вдою Твоею́ изведе́ши от печа́ли ду́шу мою́. И ми́лостью Твоею́ потреби́ши враги́ моя́ и погуби́ши вся стужа́ющыя души́ мое́й, я́ко аз раб Твой есмь.

Великое славословие

Сла́ва в вы́шних Бо́гу, и на земли́ мир, в челове́цах благоволе́ние. Хва́лим Тя, благослови́м Тя, кла́няем Ти ся, славосло́вим Тя, благодарим́ Тя, вели́кия ра́ди сла́вы Твоея́. Го́споди, Царю́ Небе́сный, Боже, О́тче Вседержи́телю, Го́споди Сы́не Единоро́дный, Иису́се Христэ́, и Святы́й Ду́ше. Го́споди Бо́же, А́гнче Бо́жий, Сы́не Оте́чь, вземля́й грех ми́ра, поми́луй нас. Вземля́й грехи́ ми́ра, приими́ моли́тву на́шу. Седя́й одесну́ю Отца́, поми́луй нас. Я́ко Ты еси́ Еди́н Свят; Ты еси́ Еди́н Госпо́дь, Иису́с Христос́, в сла́ву Бо́га Отца́, ами́нь.

На вся́ку но́щь благословлю́ Тя и восхвалю́ и́мя Твое́ во ве́ки, и в век ве́ка.

Го́споди, прибе́жище был еси́ нам в род и род. Аз рех: Го́споди, поми́луй мя, исцели́ ду́шу мою́, я́ко согреши́х Тебе́. Го́споди, к Тебе́ прибего́х, научи́ мя твори́ти во́лю Твою́, я́ко Ты еси́ Бог мой, я́ко у Тебе́ исто́чник живото́а, во све́те Твое́м у́зрим свет. Проба́ви ми́лость Твою́ ве́дущим Тя.

Сподо́би Го́споди, в но́щь сию́ без греха́ сохра́ниться нам. Благослове́н еси́ Го́споди Бо́же отец на́ших, и хва́льно и просла́влено и́мя Твое́ во ве́ки, ами́нь.

Бу́ди, Го́споди, ми́лость Твоя́ на нас, я́коже упова́хом на Тя. Благослове́н еси́, Го́споди, научи́ мя оправда́нием Твои́м. Благослове́н еси́, Влады́ко, вразуми́ мя оправда́нием Твои́м. Благослове́н еси́, Святы́й, просвети́ мя оправда́нии Твои́ми.

Го́споди, ми́лость Твоя́ во век, дел руку́ Твоею́ не прэ́зри: Тебе́ подоба́ет хвала́, Тебе́ подоба́ет пе́ние, Тебе́ сла́ва подоба́ет, Отцу́, и Сы́ну, и Свято́му Ду́ху, ны́не и прі́сно, и во ве́ки веко́в. Ами́нь.

Ве́рую во еди́наго Бо́га Отца́ Вседержи́теля, Творца́ не́бу и земли́, ви́димым же всем и неви́димым. И во еди́наго Го́спода Иису́са Христа́, Сы́на Бо́жия, Единоро́днаго, И́же от Отца́ рождённаго прэ́жде всех век. Све́та от Све́та, Бо́га и́стинна от Бо́га и́стинна, рождённа, несотворённа, еди́носу́щна

Отцѹ, Ёмже вся бѣша. Нас ради человек и нашего ради спасения сшедшаго с небес и воплотившагося от Дѹха Свята и Маріи Дѣвы и вочеловѣчшася. Распятаго же за ны при Понтійстем Пилате, и страдавша, и погребѣнна. И воскресшаго в третій день по Писанием. И возшедшаго на Небеса, и сядяща одеснѹю Отца. И паки грядущаго со славою судити живым и мертвым, Егѡже Царствию не будет конца. И в Дѹха Святаго, Гѡспода, Животворящаго, Ёже от Отца исходящаго, Ёже со Отцем и Сѣном спокланяема и сславима, глаголавшаго пророки. Во едину Святѹю, Собѡрнѹю и Апѡстольскѹю Цѣрковь. Исповѣдѹю единѡ крещѣние во оставлѣние грехѡв. Чаю воскресѣния мертвых, и жизни бѹдущаго вѣка. Амѣнь.

**Канон о распятіи Господни и на плач Пресвятѣя Богородицы,
творѣние Симеѡна Логофѣта. Глас 6.**

Песнь 1

Ирмос: Яко по суху пешешествовав Израиль по бѣдне стопами, гонителя фараѡна видя потопляема, Бѡгу побѣдную песнь поим, вопияше.

Припѣв: Слава Тебѣ, Бѡже наш, слава Тебѣ.

Обѣшена яко виде на Крестѣ Сѣна и Гѡспода Дѣва Чѣстая, терзѡущися, вопияше горце, со другіми женами стѣнящи глаголаше.

Слава Тебѣ, Бѡже наш, слава Тебѣ.

Вижу Тя ныне, возлюбленное Моѣ Чадо и любимое, на Крестѣ вѣсяща, и уязвляюся горце сѣрдцем, рече Чѣстая: но даждь слѡво, Благій, Рабѣ Твоѣй.

Слава Отцѹ, и Сѣну, и Святѡму Дѹху.

Волею, Сѣне Мой, и Творче, терпиши на дрѣве лѹтую смерть, Дѣва глаголаше предстоящи у Креста со возлюбленным учеником.

И ныне, и присно, и во вѣки вѣков. Амѣнь.

Ныне Моегѡ чаяния радости и весѣлія. Сѣна Моегѡ и Гѡспода лишѣна бых: увы Мне, болѣзную сѣрдцем! Чѣстая плачущи глаголаше.

Ирмос: Яко по суху пешешествовав Израиль по бѣдне стопами, гонителя фараѡна видя потопляема, Бѡгу побѣдную песнь поим, вопияше.

Песнь 3

Ирмос: Несть Свят, якоже Ты, Гѡсподи Бѡже мой, вознесій рог вѣрных Твоих, Блаже, и утвердивый нас на камени исповѣдания Твоегѡ.

Слава Тебѣ, Бѡже наш, слава Тебѣ.

Стра́ха ра́ди иуде́йска Петр скры́ся, и вси отбего́ша ве́рнии, оста́вьше Христа́, Де́ва рыда́ющи глаго́лаше.

Сла́ва Тебе́, Бо́же наш, сла́ва Тебе́.

О Стра́шном Твоём Рождестве́ и стра́нном, Сы́не Мой, па́че всех ма́терей возвели́чена бых Аз: но увы́ Мне, ны́не Тя ви́дяши на дрéве, распала́юся утробо́ю.

Сла́ва Отцу́, и Сы́ну, и Свято́му Ду́ху.

Хо́щю утробо́у Мою́ на руку́, има́же я́ко Младенца́ держа́х, с дрéва при́йти, веща́ше Чи́стая: но никто́же, увы́ Мне, Сего́ даде́.

И ны́не, и при́сно, и во ве́ки веко́в. **Ами́нь.**

Се Свет Мой сла́дкий, Наде́жда и Живо́т Мой Благо́й, Бог Мой, угасе́ на Кресте́, распала́юся утробо́ю, Де́ва стенья́щи глаго́лаше.

Ирмо́с: Несть Свят, я́коже Ты, Го́споди Бо́же мой, вознесы́й рог ве́рных Твои́х, Бла́же, и утверди́вый нас на ка́мени испове́дания Твоего́.

Песнь 4

Ирмо́с: Хри́сто́с моя́ си́ла, Бог и Го́сподь, Честна́я Це́рковь благоле́пно поёт взыва́ющи, от смы́сла чи́ста, о Го́споде пра́зднующи.

Сла́ва Тебе́, Бо́же наш, сла́ва Тебе́.

Со́лнце незаходя́й Бо́же Преве́чный, и Тво́рче всех тва́рей, Го́споди, ка́ко терпи́ши страсть на Кресте́? Чи́стая пла́чущи глаго́лаше.

Сла́ва Тебе́, Бо́же наш, сла́ва Тебе́.

Плачу́щи глаго́лаше Брако́неискúсная, ко благообра́зному: потщи́ся Ио́сифе к Пила́ту присту́пити, и испроси́ сняти со дрéва Учи́теля твоего́.

Сла́ва Отцу́, и Сы́ну, и Свято́му Ду́ху.

Ви́дев Пречи́стую го́рце слезя́щу, Ио́сиф смути́ся, и пла́чась присту́пи к Пила́ту, даждь ми, вопи́я с пла́чем, Те́ло Бога́ Моего́.

И ны́не, и при́сно, и во ве́ки веко́в. **Ами́нь.**

Уязвена́ Тя ви́дящи, и без сла́вы, на́га на дрéве, Ча́до Мое́ утробо́ю распала́юся рыда́ющи, я́ко Мати, Де́ва провеща́ше.

Ирмо́с: Хри́сто́с моя́ си́ла, Бог и Го́сподь, Честна́я Це́рковь благоле́пно поёт взыва́ющи, от смы́сла чи́ста, о Го́споде пра́зднующи.

Песнь 5

Ирмос: Бóжиим Свѣтом Твоим, Бла́же, ўтренюющих Ти дѹши любóвию озарѣ, молю́ся, Тя вѣдети, Сло́ве Бóжий, Ё́стиннаго Бóга, от мра́ка грехóвнаго взыва́юща.

Сла́ва Тебе́, Бóже наш, сла́ва Тебе́.

Ра́стерза́яся и рыда́я, и дивя́ся вку́пе с Никодѣ́мом снят Иóсиф, и уцелова́в Пречѣ́стное Тѣло, рыда́ше, и стенья́ше, и поя́ Егó я́ко Бóга.

Сла́ва Тебе́, Бóже наш, сла́ва Тебе́.

Прии́мши Егó с пла́чем Ма́ти неискусому́жная, положи́ на колѣну, моля́щи Егó со слеза́ми, и облобыза́ющи, го́рце же рыда́ющи и восклицáющи.

Сла́ва Отцу́, и Сы́ну, и Свято́му Дѹху.

Еди́ну наде́жду и живóт, Влады́ко Сы́не Мой и Бóже, во óчию свет Раба́ Твоя́ имѣх, ны́не же лишена́ бых Тебе́, сла́дкое Моё́ Ча́до и любѣ́мое.

И ны́не, и прѣ́сно, и во ве́ки веко́в. Ами́нь.

Бо́лезни и ско́рби, и воздыха́ния обрето́ша Мя, увѣ́ Мне! Чѣ́стая го́рце рыда́ющи глаго́лаше, ви́дящи Тя, Ча́до Моё́ возлю́бленное, на́га и уединѣ́на, и во́нями пома́зана мертвеца́.

Ирмос: Бóжиим Свѣтом Твоим, Бла́же, ўтренюющих Ти дѹши любóвию озарѣ, молю́ся, Тя вѣдети, Сло́ве Бóжий, Ё́стиннаго Бóга, от мра́ка грехóвнаго взыва́юща.

Песнь 6

Ирмос: Жите́йское мо́ре воздвиза́емое зря напáстей бурею, к тѣ́хому приста́нищу Твоему́ прите́к вопи́ю Ти: возведѣ́ от тли живóт мой, Многоми́лостиве.

Сла́ва Тебе́, Бóже наш, сла́ва Тебе́.

Ме́ртва Тя зрю, Чело́веколю́бче, оживѣ́вшаго ме́ртвья, и содержа́ща вся, уязвля́юся лю́те утробою: хоте́ла бых с Тобо́ю умре́ти, Пречѣ́стая глаго́лаше: не терплю́ бо без дыха́ния ме́ртва Тя ви́дети.

Сла́ва Тебе́, Бóже наш, сла́ва Тебе́.

Дивлю́ся зря́щи Тя, Преблагѣ́й Бóже, и Преще́дрый Го́споди, без сла́вы, и без дыха́ния, и безобра́зна, и пла́чуся держа́щи Тя, я́ко не наде́яхся, увы́ Мне, ви́дети Тя, Сы́не Мой и Бóже.

Сла́ва Отцу́, и Сы́ну, и Свято́му Ду́ху.

Не изглабо́леши ли Рабе́ Твое́й слова, Сло́ве Бо́жий? Не уще́дриши ли, Влады́ко, Тебе́ ро́ждшую? глаго́лаше Чы́стая, рыда́ющи и пла́чущи, облобыза́ющи Те́ло Го́спода Своего́.

И ны́не, и пры́сно, и во ве́ки веко́в. **Ами́нь.**

Помышля́ю, Влады́ко, я́ко ктому́ сла́дкаго Твоего́ не услы́шу гла́са, ни добро́ты лица́ Твоего́ узрю́, я́коже пре́жде Раба́ Твоя́: я́бо заше́л еси́, Сы́не Мой, от о́чию Моёю.

Ирмо́с: Жите́йское мо́ре воздвиза́емое зря напáстей бу́рею, к т́ихому пристáнищу Твоему́ прите́к вопи́ю Ти: возведи́ от тли живо́т мой, Многоми́лостиве.

Конда́к, глас 8:

Нас ра́ди распя́таго, прииди́те вси воспо́йм, Того́ бо ви́де Мари́а на дре́ве, и глаго́лаше: а́ще и распя́тие терпи́ши, Ты еси́ Сын и Бог Мой.

Икос: Своего́ А́гнца А́гница зря́щи, к заколе́нию влеко́ма, последо́ваше Мари́а простёртыми власы́ со ине́ми же́нами, сия́ вопи́ющи: ка́мо и́деши, Чадо? Чесó ра́ди ско́рое течéние соверша́еши? Еда́ други́й брак па́ки есть в Кане, и та́мо ны́не тщи́шися, да от воды́ им вино́ сотвори́ши? Иду ли с Тобóю, Чадо, или́ па́че пожду́ Тебе́? Дажь Ми сло́во, Сло́ве, не молча́ мимоиди́ Мене́, чы́сту соблюды́й Мя: Ты бо еси́ Сын и Бог Мой.

Песнь 7

Ирмо́с: Росода́тельну́ ўбо пещь соде́ла А́нгел преподо́бным отроко́м, халде́и же опаля́ющее велéние Бо́жие мучи́теля увещá вопи́ти, благословéн еси́, Бо́же оте́ц на́ших.

Сла́ва Тебе́, Бо́же наш, сла́ва Тебе́.

Где, Сы́не Мой и Бо́же, благовещéние дрéвнее, е́же Ми Гаври́л глаго́лаше? Царя́ Тя, Сы́на и Бо́га Вы́шняго нарица́ше: ны́не же ви́жу Тя, Све́те Мой сла́дкий, на́га и уязвена мертвеца́.

Сла́ва Тебе́, Бо́же наш, сла́ва Тебе́.

Избавля́яй болéзни, ны́не приими́ Мя с Собóю, Сы́не Мой и Бо́же, да сн́иду, Влады́ко, во ад с Тобóю и Аз, не оста́ви Мене́ еди́ну, уже́ бо жи́ти не терплю́, не ви́дящи Тебе́ сла́дкаго Моего́ Све́та.

Сла́ва Отцу́, и Сы́ну, и Свято́му Ду́ху.

С други́ми жена́ми мирно́сицами, рыда́ющи Непоро́чная го́рце, и носима́ видящи Христа́, глаго́лаше: увы Мне! Что́ ви́жу? Ка́мо и́деши ны́не, Сы́не Мой, а Мене́ еди́ну оставля́еши?

И ны́не, и прісно, и во ве́ки веко́в. **Ами́нь.**

Изнемога́ющи и рыда́ющи Непоро́чная мирно́сицам глаго́лаше: срыда́йте Ми, и сплáчители го́рце, Се бо Свет Мой сла́дкий, и Учи́тель ваш грóбу преда́ется.

Ирмо́с: Росода́тельную у́бо пещь соде́ла А́нгел преподо́бным отроко́м, халде́и же опаля́ющее велéние Бо́жие мучи́теля увещá вопіти, благословéн еси́, Бо́же оте́ц на́ших.

Песнь 8

Ирмо́с: Из пла́мене преподо́бным рóсу источи́л еси́, и пра́веднаго жéртву водо́ю попали́л еси́: вся бо твори́ши, Христе́, то́кмо éже хотéти. Тя превозно́сим во вся ве́ки.

Сла́ва Тебе́, Бо́же наш, сла́ва Тебе́.

Дéву рыда́ющую Ио́сиф ви́дев, растерза́шеся весь и вопи́яше го́рько: ка́ко Тя, о Бо́же мой, ны́не погребу́ раб Твой? Какі́ми плащани́цами обви́ю Тéло Твое́?

Сла́ва Тебе́, Бо́же наш, сла́ва Тебе́.

Па́че ума превзы́де стра́нное Твое́ видéние нося́щаго тварь всю Го́спода: сегó ра́ди Ио́сиф я́ко ме́ртва Тя на руку́ своéю, и с Никоди́мом но́сит и погребáет.

Благослови́м Отца́, и Сы́на, и Свята́го Ду́ха, Го́спода.

Стра́нную ви́жу и пресла́вную тайну, Дéва вопи́яше Сы́ну и Го́споду: ка́ко в худóм грóбе полага́ешися, ме́ртвыя повелéнием Возста́вляяй во гробéх.

И ны́не, и прісно, и во ве́ки веко́в. **Ами́нь.**

Ни от грóба Твоего́ воста́ну, Чадо Моé, ни слéзы точáщи преста́ну Раба́ Твоя́, дóндеже и Аз сніду во ад: не могу́ бо терпéти разлучéния Твоего́, Сы́не Мой.

Хвалим, благослови́м, поклоня́емся Го́сподеви, пою́ще и превозно́сюще во вся ве́ки.

Ирмо́с: Из пла́мене преподо́бным рóсу источи́л еси́, и пра́веднаго жéртву водо́ю попали́л еси́: вся бо твори́ши, Христе́, то́кмо éже хотéти. Тя превозно́сим во вся ве́ки.

Песнь 9

Ирмос: Бóга челове́ком невозмо́жно ви́дети, на Него́же не сме́ют чи́ни А́нгельстии взира́ти: Тобо́ю бо, Всечи́стая, яви́ся челове́ком Сло́во воплоще́нно, Егóже велича́юще, с Небе́сными во́и, Тя ублажа́ем.

Сла́ва Тебе́, Бо́же наш, сла́ва Тебе́.

Ра́дость Мне николи́же отसे́ле прико́снется, рыда́ющи глаго́лаше Непоро́чная: Свет Мой и Ра́дость Моя́ во гроб за́йде. Но не оста́влю Егó Еди́наго, zde же умру́, и спогребу́ся Ему́.

Сла́ва Тебе́, Бо́же наш, сла́ва Тебе́.

Душе́вную Мою́ язву ны́не исцели́, Ча́до Мое, Пречи́стая вопия́ше слезя́щи: воскресни́, и утоли́ Мою́ боле́знь и печа́ль, мо́жеша бо, Влады́ко, ели́ко хо́щеша и твори́ши, а́ще и погребл́ся еси́ во́лею.

Сла́ва Отцу́, и Сы́ну, и Свято́му Ду́ху.

О ка́ко утай́лася Тебе́ ест́ь бе́здна щедрóт, -- Ма́тери в та́йне изрече́ Господь, -- тварь бо Мою́ хотя́ спасти́, избóлих умре́ти; но и воскресну́, и Тебе́ возвели́чу, я́ко Бог небесе́ и земли́.

И ны́не, и при́сно, и во ве́ки веко́в. **Ами́нь.**

Воспою́ милосе́рдие Твое́, Человеколю́бче, и поклоня́юся бога́тству ми́лости Твоея́, Влады́ко: создáние бо Твое́ хотя́ спасти́, смерть подъя́л еси́, -- рече́ Пречи́стая, -- но Воскресе́нием Твои́м, Спа́се, поми́луй всех нас.

Ирмос: Бóга челове́ком невозмо́жно ви́дети, на Него́же не сме́ют чи́ни А́нгельстии взира́ти: Тобо́ю бо, Всечи́стая, яви́ся челове́ком Сло́во воплоще́нно, Егóже велича́юще, с Небе́сными во́и, Тя ублажа́ем.

Та́же:

Святы́й Бо́же, Святы́й Кре́пкий, Святы́й Безсме́ртный, поми́луй нас. **Трижды, и три поклона.**

Сла́ва Отцу́, и Сы́ну, и Свято́му Ду́ху, и ны́не и при́сно, и во ве́ки веко́в. **Ами́нь.**

Пресвята́я Трóице, поми́луй нас: Го́споди, очисти́ грехи́ на́ша; Влады́ко, прости́ беззакóния на́ша; Святы́й, посети́ и исцели́ немо́щи на́ша, имене Твоего́ ра́ди.

Го́споди, поми́луй. **Трижды.**

Сла́ва, и ны́не:

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[Яко Твое есть Царство и сила и слава во веки. Аминь. (Мф. 6: 9-13)]

Кондак, глас 8:

Нас ради распятаго, приидите вси воспойм: Того бо виде Мариа на древе, и глаголаше: аще и распятие терпиши, Ты еси Сын и Бог мой.

Господи, помилуй. 40.

Иже на всякое время и на всякий час, на Небеси и на земли, покланяемый и славимый, Христэ Бже, Долготерпеливе, Многомилостиве, Многоблагоутробне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

Слава, и ныне:

Господи, помилуй. Трижды.

Честнейшую Херувим и славнейшую без сравнения Серафим, без исления Бога Слова рождшую, сущую Богородицу, Тя величаем.

Молитвами святых отец наших, Господи Иисусе Христэ, Бже наш, помилуй нас. Аминь.

И молитва молебная ко Пресвятей Богородице:

Нескверная, Неблзная, Нетленная, Пречистая, Чистая Дво, Богоневсто Владычице, яже Бога Слова человеком преславным Твоим Рождеством соединившая, и отринувшееся естество рода нашего небесным совокупляющая: яже ненадежных едина Надежда, и боримых помощи, готовое заступление к Тебе притекающих, и всех христиан прибежище. Не гнушайся мене грешнаго, сквернаго, скверными помысли, и словеси, и деяньми всего себе непотребна сотворша, и разумом лености сластей жития раба бывша; но яко человеколюбиваго Бога Мати, человеколюбне умилосердися о мне грешнем и блуднем, и прими мое,

еже от скверных устен приносимое Тебе моление: и Твоего Сына, и нашего Владыку и Господа, матернее Твое дерзновение употребляючи, моли, да отверзет и мне человеколюбныя утробы Своея благодати, и презрев моя безчисленныя прегрешения, обратит мя к покаянию, и Своих заповедей делателя искусна явит мя. И предстани мне присно, яко милостивая, и милосердая, и благолюбивая, в настоящем убо житий теплая Предстательнице и Помощнице, сопротивных нашествия отгоняючи, и ко спасению наставляючи мя: и во время исхода моего окайнную мою душу соблюдаючи, и темныя зраки лукавых бесов далече от нея отгоняючи: в страшный же день суда вечныя мя избавляючи муки, и неизреченныя славы Твоего Сына и Бога нашего наследника мя показуючи. Юже и да улучу, Владычице моя, Пресвятая Богородице, Твоим ходатайством и заступлением, благодатию и человеколюбием Единородного Сына Твоего, Господа и Бога и Спаса нашего Иисуса Христа. Емуже подобает всякая слава, честь и поклонение, со Безначальным Его Отцем, и Пресвятым, и Благим, и Животворящим Его Духом, ныне и присно, и во веки веков, аминь.

**Молитва иная ко Господу нашему Иисусу Христу,
Антиоха монаха Пандекта:**

И даждь нам, Владыко, на сон грядущим покой тела и души, и сохрани нас от мрачного сна греховного, и от всякаго темного и ночного сладострастия: укроти стремления страстей, угаси разжженные стрелы лукаваго, яже на ны лстивно движимыя: плоти нашея востания утоли, и всякое земное и вещественное наше мудрование успи. И даруй нам, Боже, бодр ум, целомудр помысл, сердце трезвящееся, сон легок и всякаго сатанина мечтания изменен. Возстави же нас во время молитвы утверждены в заповедех Твоих, и память судеб Твоих в себе тверду имуща: всенобщное славословие нам даруй, во еже пети и благословити и славити пречестное и великолепое имя Твое, Отца, и Сына, и Святаго Духа, ныне и присно, и во веки веков, аминь.

Преславная Приснодево, Мати Христа Бога, принеси нашу молитву Сыну Твоему и Богу нашему, да спасет Тобю души наша.

Молитва иная святого Иоанникия:

Упование мое Отец, прибежище мое Сын, покров мой Дух Святыи, Троице Святаи, слава Тебе.

Слава, и ныне:

Господи, помилуй. **Трижды.** Благослови.

Отпуст

Христэ, истинный Бóже наш, моли́твами Пречи́стыя Твоея́ Ма́тере, преподо́бных и богонóсных оте́ц на́ших и всех святы́х, помíлуй и спасí нас, я́ко Благ и Человеколю́бец. Ами́нь.

И просим друг у друга прощения

И молитва:

Ненави́дящих и оби́дящих нас прости́, Го́споди, Человеколю́бче. Благотворя́щим благосотвори́. Бра́тиям и сродни́ком на́шим да́руй я́же ко спасе́нию проше́ния и жизнь вéчную. В немо́щих су́щия посети́ и исцеле́ние да́руй. И́же в мо́ри упра́ви. С путеше́ствующими спутеше́ствуй. Служа́щим и ми́люющим нас, грехо́в оставле́ние да́руй. Запове́давших нам, недостóйным, моли́тися о них, помíлуй по вели́цей Твое́й ми́лости. Помяни́, Го́споди, прэ́жде усóпшия отцы́ и бра́тию на́шу, и упоко́й я́, иде́же присещает свет лица́ Твоего́. Помяни́, Го́споди, бра́тий на́ших пленённых и избáви я́ от вся́каго обстоя́ния. Помяни́, Го́споди, плодонося́щих и добродéлающих во святы́х Твои́х це́рквах, и даждь им я́же ко спасе́нию проше́ния и жизнь вéчную. Помяни́, Го́споди, и нас, смире́нных и грéшных и недостóйных раб Твои́х, и просвети́ наш ум свéтом ра́зума Твоего́, и наста́ви нас на стезю́ за́поведей Твои́х. Моли́твами Пречи́стыя Влады́чицы на́шея Богорóдицы и Присноде́вы Мари́и и всех Твои́х святы́х. Я́ко благослове́н еси́ во ве́ки веко́в. Ами́нь.